

Lêpirsîna zarokên penaxwaz yên ku bêyî dêbavan hatine li Daîreya Koçberan

Tu hatî gazîkirin bo lêpirsîna penaberiyê li Daîreya Koçberan. Ev şîret behsa maf û peywirên te di lêpirsînê de dike. Wê li gel nûnera/ê xwe baş bixwîne. Eger pirsên te hebin, ji nûnera/ê xwe yan di lêpirsînê de ji karmendê Daîreya Koçberan bipirse.

Mebesta lêpirsînê çi ye?

- Te dawa penaberiyê li Fînlândayê kiriye. Di lêpirsînê de dê wan sebebên ji te bipirsîn ka tu çima dawa penaberiyê ji Fînlândayê dijî û çima nikarî vegeî welatê xwe.
- Giring e ku tu hemû sebebên dawaya xwe di vê lêpirsînê de bibêjî. Eger hinek sebebên din piştî vê lêpirsînê peyda bibin yan bixwazî li ser sebebên pêştir agahiyên nû bidî, di zûtirîn demê de Daîreya Koçberan yan dadgeha birêvebera dawaya te haydar bike.

Di lêpirsînê de çi mafên te hene?

- Nûnera/ê te li gel te tê lêpirsînê.
- Te maf heye ku avukat jî li gel xwe bînî lêpirsînê.

- Nûnera/ê te eger hewce be avukatekî peyda dikin. Eger nûnera/ê te avukatekî peyda nekin, em dikarin lêpîrsînê bêyî avukat jî bikin.
- Di lêpîrsînê de terciman heye. Karê terciman ew e ku her tiştê gofî bi bêalîfî wergerîne. Terciman dikare li wî cihê be yan jî li ser telefonê yan vîdyoyê be.
- Lêpîrsker, terciman û parêzer xwedî wezîfeya parastina surran in anku nabe ew tiştên di lêpîrsînê de bihîstî bo kesên din aşkere bikin, heta bo endamên malbata te jî. Belgenameyên li ser doza te bi surrî tînin parastin. Tiştên ku tu behs bikî, dibe tesîrê li dawanameyên endamên malbata te jî bikin. Em dikarin tiştên tu behs dikî jî endamên malbata te jî veşêrin eger aşkerebûna wan dibe zîyanê yan metirsiyê bigihîne te yan kesûkarên te. Dikarî di lêpîrsînê de nêrîna xwe li ser bibêjî.
- Daîreya Koçberan dikare hewl bide serperîştên te yê eslî bibîne. Mebest jî serperîştên eslî ew kes in ku li welatê te tu xwedî dikirî. Bo dîtinê tenê agahiyên zerûrî tînin bikaranîn. Daîreya Koçberan hewla dîtinê wisa dide ku zîyan yan zerer negihin te yan mirovên te.

Di lêpîrsînê de çî berpirsiyarên te hene?

- Berpirsiyariya te ye ku behsa wan halet û sebebên bikî ku çima dawa penaberiyê dikî. Behsa hemû sebebên heyî di lêpîrsînê de bike.
- Bo te baş e ku herwiha behsa pîrsgirêkên dijwar jî bikî. Mumkin e ku ew çaresaz bin li ser biryara ku bidin te.
- Rast bibêje. Eger tiştêkî nizanî yan neyê bîra te, hewl nede ku bersivêkê ji bal xwe ve çêkî. Bibêje ez nizanim yan nayê bîra min. Eger rast neaxivî, ew dikare bawer kirina bi gotinên te kêmtir bike.
- Di lêpîrsînê de nav û dema jidayikbûna xwe rast bibêje. Eger belgenameyên ku nasnameya te bipeyîftînin tine bin, divê hewl bidî wan peyda bikî û bigihînin Daîreya Koçberan. Ev belge bo nimûne belgeyên nasnameyê û belgeyên seferkirinê ne. Lê Daîreya Koçberan nikare te mecbûr bike wan peyda bikî eger ew bibe sebebê metirsiyê li ser te yan kesûkarên te. Eger bixwazî dûvre agahiyên nasnameya xwe tenê bi belgenameyên resmî yê hikûmî biguherînin.
- Daîreya Koçberan agahiyên nasnameya te di sicila karûbarên biyaniyan de qeyd dike ku tomareke hikûmî ye û di meşandina karûbarên dawanameyên te dixebitîne. Dayîna agahiyên şaş bo tomarên hikûmî tawan e û tê cezakirin.
- Dayîna agahiyên bo karbidestên nerast yê nasnameyî tawan e û tê cezakirin. Li Fîrlandayê sinor berpirsiyariya tawanan 15 sal e.
- Bizane ku dayîna agahiyên nerast yan veşartina agahiyên rast dikare bibe sebebê wê yekê ku îqameya dayî te ji te bistînin yan birêvebirina dawa te aloztir bibe.

Çawa xwe bo lêpirsînê hazir bikî baş e?

- Berî lêpirsînê hemû şîretên karbidestan dayî te li gel nûnera/ê xwe bixwîne. Giring e ku tu belavokên derbarê rêkarên Dublînê binasî. Eger ew belavok li ba te nebin, dikarî wan ji malpera Daîreya Koçberan peyda bikî: migri.fi/esitteet. Belavok li bin sernavê "Turvapaikka ja Dublin-menettely" (Penaxwazî û rêkara Dublînê) ye.
- Eger ji ver sebebek maqûl hêvî bikî ku terciman an lêpirsker jin an mêr be, berî roja lêpirsînê bibêje nûnera/ê xwe. Ew dê hêviya te bigihîne Daîreya Koçberan. Daîreya Koçberan biryar dide ka sebeb maqûl e.
- Eger halê te yê laşî yan ruhî wisa be ku tesîrê li ser lêpirsînê bike, bibêje karmendekî kampa xwe. Karmend dikare bi izna te berî lêpirsînê wê bibêje Daîreya Koçberan.
- Kamp dê te wisa bişîne ku bigihî cihê lêpirsînê. Li gel rêberan berî roja lêpirsînê li ser hatinê bipeyivin.
- Xwarinê yan pare bo firavînê ji kampê bixwaze û li gel xwe bîne.
- Dermanê bi rojê bo te lazim bin li gel xwe bîne.
- Hemû wan belgename û îsbatan li gel xwe bîne ku têkilî dawa te ne.

Roja lêpirsînê li Daîreya Koçberan wiha bike

- Nikarî bêyî sebebekî rewa dema lêpirsîna xwe paş bixî. Eger roja lêpirsînê nexweş bî, yekser navenda pêşwazîkirina xwe agahdar bike. Divê tu gotareke hemşîre-yan yan bijîşkan derbarê nexweşiya xwe bigihîni Daîreya Koçberan ne derengtîr ji 1 heftayê ji roja lêpirsînê ve. Eger bêyî sebebke maqûl li lêpirsînê hazir nebî, dikarin bêyî lêpirsînê biryar were dayîn.
- Nûner û avukatên te li gel te beşdarî lêpirsînê dibin.
- Gava tu tê avahiyê Daîreya Koçberan, dikarin teffîşê li te bikin.
- Karta xwe ya mişteriyatîyê nîşanî dergehvanê Daîreya Koçberan bide.
- Tenê kesên gazîkirî dikarin bî avahiyê Daîreya Koçberan û kesên ku biryar li ser hatina wan li gel te hatiye dan.
- Eger bixwazî alîkarek li gel te bê, ew yan nûner dikare pêştir bi nivîskî ji Daîreya Koçberan daxwaz bike. Wek din lêpirsker biryarê dide ka alîkar dikare beşdar bibe yan na. Alîkar ne parêzer e û beşdarî ronkirina meseleyê nabe.
- Lêpirsker karmendekî Daîreya Koçberan e. Ew dikare li cih be yan bi riya vîdyoyê beşdar bibe.
- Lêpirsker dê li salona çavdêriyê gazî te, nûner û parêzerê te bike.
- Dengê lêpirsînê tê qeydkirin. Li odeyê herwiha kameraya çavdêriyê ya qeydker heye.
- Lêpirsîn hemû rojê vedikêşe. Di navberê de bêhnvedana firavîn-xwarinê û hinek bêhnvedanên din hene. Tu dikarî herdem dawa bêhnvedanê bikî.

- Eger hewce be, dikarin rojêke din lêpîrsînê bidomînin. Hingê dê careke din gaziye bo te bê.

Di lêpîrsînê de çi dibe?

- Destpêkê lêpîrsker dibêje ka di lêpîrsînê de çi dibe û piştrast dike ku tu maf û pey-wirên xwe fehm dikî. Bîpîrse eger tiştêkî fehm nekî. Bibêje eger ji terciman fehm nekî.
- Eger pêştir bi dîrûdirêjî li ser nasnameya te nehatibe pîrsîn, lêpîrsker wan pîrsan dike. Ew dipîrse ka malbata te kî ne, tu li kû derê jiyayî û bi çi rê hafî Fînlândayê. Lêpîrsker herwiha hin tiştan ji te dipîrse daku bizane ka dawanameya te li Fînlândayê were lêkolîn yan na.
- Piştî hingê dipîrse tu çima ji welatê xwe reviyayî û çima nikarî vegeî. Tiştên ku bi serê te hatine bi rastgoyî behs bike û heta mumkin be bi hûrgilî.
- Lêpîrsker çend pîrsên deqîqker derbarê wan wan tiştan dipîrse ku behs dikî. I rastgoyî bersivê bide. Bibêje eger tu nizanî yan nayê bîra te.
- Hinek pîrsên gişfî ji hemû penaxwazan tên kirin. Lêpîrsker herwiha dipîrse ka raya te li ser derkirina ji welatî û qedexekirina vegeîna çi ye.
- Nûner an parêzer nabe ku li ser navê te bersivan bide. Ew dikarin di dema lêpîrsînê de te şîret bikin û bînin bîra te ku divê tu behsa tiştên girîng bikî.
- Daîreya Koçberan dikare di lêpîrsînê de derbarê mijarên tesîrker li ser biryarê ji te bîpîrse. Bo nimûne, eger şik hebe ku te li Fînlândayê tawanek kiriye yan tu hafî hukimdan, dibe ku tesîra wê li ser biryara Daîreya Koçberan hebe. Daîreya Koçberan di lêpîrsînê de derfet dide ku tu nêrîna xwe li ser bibêjî.
- Lêpîrsker li ser kompûterê dinivîse wan tiştên ku di lêpîrsînê de tên axiftin. Navê wan têbîniyan bîrname ye. Dawiyê terciman dê bo te wê bîrnameyê bixwîne ku lêpîrskerî nivîsiye. Eger xelefî tê de hebin, divê ku tu bibêjî lêpîrskerî. Tu dikarî herwiha tiştan lê zêde bikî. Piştî wê bîrname tê îmzakirin û kopiyekê jê didin nûnera/ê te.

Daîreya Koçberan çawa biryarê dide?

- Li ser dawa te mumkin e ku mafê penaberîya navneteweyî yan îqameyê ji ber sebebên insanî yan ji ber qurbanîya bazirganiya bi mirovan bidin te.
- Daîreya Koçberan biryarê li ser agahiyên te di lêpîrsîna penaberîyê de dayî û belgeyên din yê pêşkêşkirî dide. Daîreya Koçberan dikare bo biryarê li agahiyên girîng ji çavkaniyên aşkere li bigere.
- Eger hewce be, Daîreya Koçberan dikare lêkolînê li ser orijînaliya belgeyên te dayî bike. Karbidestên welatê te ti agahiyê ji wan wernagirin û ew lêkolîn nabin sebebê xeteriyê li ser te yan mirovên te.

- Eger paşî bixwazî zêdetir agahî yan belgeyan pêşkêş bikî, wan bide nûner yan avukatên xwe. Em li ser telefonê behsa mesela te nakin, çunkî em nikarin piştrast bin ka telefonker kî ye.
- Eger dawa te bêt redkirin, dikarin te vegeînin û hatina bo Fîrlandayê û welatên din yê hevpeymanên Schengenê li te qedexe bikin.
- Eger te sebebekî nû bi dawakirina penaberiyê hebe piştî ku biryara Daîreya Koçber li ser dawanameya te bigihe hukmê qanûnê, di zûtirîn demê de dawayeke nû bike. Divê ku sebebekî maqûl hebe ku çima te berê behsa wan sebebên nû nekiriye. Sebeb divê tişteki wisa be ku ne di bin tesîra te bi xwe de be. Piştî hingê Daîreya Koçberan dê lê binêre ya dawaya te qebûl bike yan na.